



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

20 Apr 2021
8 Ramadhan 1442h

SENARAI AKHBAR	TAJUK
Utusan Malaysia	
Berita Harian	<ul style="list-style-type: none">• 12 pemancing ditahan tangkap ikan di Taman Laut Pulau Aur
Harian Metro	
Kosmo !	
Sinar Harian	<ul style="list-style-type: none">• 12 pemancing ceroboh taman laut
The Star	
New Straits Time	
Nanyang Siang Pau	
Malaysia Gazette	
Harakah	<ul style="list-style-type: none">• 600 lesen dilulus untuk nelayan sampan Zon A (online)
Malaysia Dateline	
Bernama	
See Hua Daily News (Kuching)	
Guan Ming Daily	
Sin Chew Daily	

JENIS AKHBAR							MUKA SURAT	TARIKH
UTUSAN MALAYSIA		KOSMO /		THE STAR		NANYANG SIANG PAU		
BERITA HARIAN	/	SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN :		POSITIF		NEGATIF		NEUTRAL		

12 pemancing ditahan tangkap ikan di Taman Laut Pulau Aur

Mersing: Dua bot Zon A bersama 12 pemancing tempatan ditahan kerana menangkap ikan dalam kawasan Taman Laut Pulau Aur, di sini kelmarin.

Pengarah Perikanan Johor, Noraishah Hashim, berkata kedua-dua bot itu ditahan hasil rondaan rutin pemantauan vessel pantai timur yang dijalankan di perairan Johor Timur oleh Cawangan Taman Laut dan Pengurusan Sumber, Jabatan Perikanan Johor.

Beliau berkata, hasil siasatan dan pemeriksaan mendapati dua vessel penangkapan ikan zon A itu melakukan kesalahan di bawah seksyen 43, Akta Perikanan 1985 iaitu mengambil, mengalih atau memiliki haiwan akuatik dalam kawasan taman laut.

"Vessel penangkap ikan yang pertama ditahan sekitar jam 3 pagi di 0.5 batu nautika dari Pantai Pulau Aur, membabitkan seorang tekong berusia 62 tahun dan enam pemancing tempatan berusia 49 hingga 75 tahun.

"Vessel kedua pula ditahan 0.6 batu nautika dari Pantai Pulau Aur membabitkan seorang tekong berusia 56 tahun, awak-awak berusia 48 tahun dan enam pemancing berusia 34 hingga 58 tahun.

"Peralatan menangkap ikan turut dirampas dan kes disiasat di bawah Seksyen 43 (1), Akta Perikanan 1985. Jabatan Perikanan Negeri Johor mengingatkan nelayan supaya sentiasa mematuhi syarat lesen kerana Taman Laut Johor diwartakan di bawah Perintah Penubuhan Taman Laut Malaysia mulai 1994," katanya dalam satu kenyataan semalam.

Sementara itu, dalam kejadian berasingan, Noraishah berkata, pihaknya menahan sebuah bot pukat tunda Zon C.

Katanya, bot itu ditahan bersama lima kru termasuk seorang tekong dalam rondaan rutin pemantauan vessel pantai timur di 10.7 batu nautika daripada Pantai Tanjung Sekakap kelmarin.

"Mereka yang ditahan terdiri empat awak-awak dan tekong bot warga tempatan berusia 31 hingga 51 tahun. Kesalahan yang dilakukan adalah menjalankan aktiviti menangkap ikan (menunda) pada jarak di bawah 12 batu nautika.

"Turut disita kira-kira 80 kilogram hasil tangkapan seperti sotong dan ikan. Kes disiasat di bawah seksyen 8 (b), Akta Perikanan 1965," katanya.

JENIS AKHBAR							MUKA SURAT	TARIKH		
UTUSAN MALAYSIA		KOSMO I		THE STAR		NANYANG SIANG PAU			25	20/04/2021
BERITA HARIAN		SINAR HARIAN	/	THE SUN		ORIENTAL DAILY				
HARIAN METRO		NEW STRAITS TIMES		THE MALAY MAIL		PELBAGAI				
KATEGORI LIPUTAN :		POSITIF		NEGATIF		NEUTRAL				

12 pemancing ceroboh taman laut

Penahanan mereka disebabkan melakukan aktiviti itu di Pulau Aur

Oleh FARAH SHAZWANI

MERSING

Padah memancing di kawasan taman laut, 12 lelaki ditahan ketika melakukan aktiviti itu di perairan Pulau Aur, di sini malam Ahad.

Pengarah Jabatan Perikanan Negeri Johor, Noraishah Hashim berkata, penahanan itu melibatkan 15 individu membabitkan 12 pemancing, dua tekong dan seorang awak-awak berusia antara 34 hingga 75 tahun dan dua vesel zon A.

Menurutnya, kesemua mereka ditahan oleh penguatkuasa Cawangan Taman Laut dan Pengurusan Sumber, Jabatan Perikanan Negeri Johor yang

Salah sebuah bot yang ditahan kerana membawa pemancing melakukan aktiviti itu di Taman Laut Pulau Aur, pada Ahad.



Sebahagian daripada hasil tangkapan.

melakukan rondaan rutin pemantauan vesel di perairan Johor Timur.

"Vesel penangkap ikan yang pertama di tahan sekitar jam tiga pagi iaitu 0.5 batu nautika dari Pantai Pulau Aur. Ia melibatkan seorang tekong berusia 62 tahun dan enam pemancing berusia antara 49 hingga 75 tahun.

"Sementara vesel kedua ditahan pada jarak 0.6 batu nauti-

ka dari Pantai Pulau Aur, melibatkan seorang tekong berusia 56 tahun, seorang awak-awak berusia 48 tahun dan enam pemancing berusia antara 34 hingga 58 tahun.

"Kedua-dua bot dan peralatan menangkap ikan turut disita dan akan disiasat di bawah Seksyen 43 (1), Akta Perikanan 1985," katanya dalam satu kenyataan pada Isnin.

Jelas beliau, terdapat 13 pulau di perairan Mersing yang telah diwartakan sebagai taman laut pada 20 Oktober 1994.

Adalah menjadi kesalahan di bawah Seksyen 43, Akta Perikanan 1985 untuk mengarang, mengalih atau memiliki haiwan akuatik dalam kawasan berkenaan.

"Kita ingin menggariskan nelayan agar sentiasa mematuhi syara-

lesen agar tidak menjejaskan sumber perikanan negara yang perlu diurus secara lestari.

"Taman Laut Johor telah diwartakan di bawah Perintah Penubuhan Taman Laut Malaysia raulai 1994 dan diharapkan semua pihak mengambil tahu kepentingan pewujudan taman laut dan tidak sewenang-wenangnya melanggar peraturan yang telah ditetapkan," katanya.

JENIS AKHBAR							MUKA SURAT	TARIKH
UTUSAN MALAYSIA		KOSMO I		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY	ONLINE	
HARIAN METRO		NEW STRAITS TIMES		THE MALAY MAIL		PELBAGAI HARAKAH		
KATEGORI LIPUTAN: POSITIF			NEGATIF		NEUTRAL			

600 lesen dilulus untuk nelayan sampan Zon A

April 20, 2021



PENANTIAN puluhan tahun nelayan sampan Zon A untuk memiliki lesen berakhir jua. Dari jumlah 600 lesen yang diluluskan untuk Negeri Terengganu, kita mulakan agihan secara berperingkat daerah demi daerah setelah semua urusan teknikal diselesaikan bermula dengan Daerah Besut dan Setiu.

Masih kami ingat bagaimana kami bekerja memikul harapan besar para nelayan dengan penuh tersusun. Bermula dari menubuhkan Jawatankuasa Task Force Lesen Nelayan, mengadakan mesyuarat demi mesyuarat sehingga dikeluarkan pemutihan senarai nelayan-nelayan yang perlu dipertimbangkan bersama Jabatan Perikanan, LKIM dan Persatuan Nelayan Kawasan.

Akhirnya disiapkan kertas untuk diangkat kepada Kementerian Pertanian dan Industri Makanan (MAFI). Kita tapis seramai 800 pemohon yang layak, Kerajaan Negeri yang angkat permohonan bagi pihak rakyat bukan rakyat angkat sendiri. Disusuli beberapa pertemuan dan perbincangan dengan Menteri MAFI serta HQ Jabatan Perikanan. Akhirnya dari 800 permohonan, kita diberikan kelulusan peringkat pertama sebanyak

JENIS AKHBAR							MUKA SURAT	TARIKH
UTUSAN MALAYSIA		KOSMO I		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY	ONLINE	
HARIAN METRO		NEW STRAITS TIMES		THE MALAY MAIL		PELBAGAI HAKAKAH	20/04/2021	
KATEGORI LIPUTAN: POSITIF			NEGATIF		NEUTRAL			

600 lesen. Baki 200 kita susuli dengan rayuan fasa kedua. Telah hampir 40 tahun tiada kelulusan besar-besaran seperti ini diberikan.

Tiada kepuasan yang lebih besar sebagai pemimpin lebih dari kita dapat menunaikan hasrat rakyat kita yang dinafikan sejak puluhan tahun lalu. Ramai nelayan yang ke laut sejak remaja sampai tua tapi masih belum memiliki lesen.

Tanpa lesen mereka ibarat cari rezeki secara haram, dinafikan hak elaun sara hidup nelayan, minyak subsidi dan bantuan bencana [nelayan](#). Terengganu adalah negeri yang pertama diberikan kelulusan khas lesen nelayan secara besar-besaran sekali gus. Terima kasih semua. Tiada kata mampu menggambarkan kepuasan dan kegembiraan ini.

YB DR AZMAN IBRAHIM

Exco Pertanian, Industri Asas Tani dan Pembangunan Desa Negeri Terengganu

– [HARAKHADAILY](#) 20/4/2021